



Fondacija za socijalno uključivanje u Bosni i Hercegovini * Фондација за социјално укључивање у Босни и Херцеговини
Zaklada za socijalno uključivanje u Bosni i Hercegovini * Social Inclusion Foundation in Bosnia and Herzegovina

Godišnji izvještaj o aktivnostima Fondacije za socijalno uključivanje u Bosni i Hercegovini (FSU u BiH)

1. januar 2018. – 31. decembar 2018.

FSU u BiH • ФСУуБиХ • ZSU u BiH • SIF in BiH

Branilaca Sarajeva 47 • 71000 Sarajevo • Tel + 387 33 219 313 • Fax + 387 33 219 314

Email: sif@sif.ba • Web <http://www.sif.ba>

Sadržaj

Uvod	2
Osnovne informacije o Fondaciji za socijalno uključivanje u Bosni i Hercegovini (FSU u BiH)2	
Izveštaj o realizovanim aktivnostima FSU u BiH	2
USAID pojekat „Program održivosti civilnog društva CSSP“, sektor ljudska prava marginalizovanih grupa, juli 2014. – juni 2018.	3
1. Osnovno o komponentama I, II i III u okviru projekta održivosti civilnog društva u BiH- CSSP	3
Komponenta 1. – Analiza problema u sektoru i formiranje koalicije sektorskih aktera	3
Komponenta 2. - Kampanje zagovaranja za rješavanje prioriternih problema u sektoru ljudska prava – marginalizovane grupe	3
Komponenta 3. - Realizacija Strategije održivosti organizacije	4
2. Izveštaj o realizovanim aktivnostima za period 1. januar 2018. – 30. juni 2018.	4
3. Ostvareni rezultati i uticaj	9
TEKUĆI PROJEKTI	10
Projekat „Build up for Social Inclusion Advocacy Platform in Bosnia and Herzegovina - #BuildUp4SIAPinBiH“ / „Izgradimo zagovaračku platformu za socijalnu uključenost u Bosni i Hercegovini - #BuildUp4SIAPinBiH“, novembar 2018. – juni 2021.	10
Osnovne informacije o projektu	10
Projekat „Uloga marginalizovanih grupa u procesu pomirenja u Bosni i Hercegovini“ / „The Role of the Marginalised Groups in the Reconciliation Process in Bosnia and Herzegovina“, oktobar 2018. – maj 2019.	12
Osnovne informacije o projektu	12

Uvod

Osnovne informacije o Fondaciji za socijalno uključivanje u Bosni i Hercegovini (FSU u BiH)

Fondacija za socijalno uključivanje u Bosni i Hercegovini je nepolitička, nestranačka, neovisna i neprofitna nevladina organizacija, koja je osnovana Odlukom o osnivanju broj IBHI/FSU u BiH/10 donesenom 19.1.2010. godine, u skladu sa Zakonom o udruženjima i fondacijama Bosne i Hercegovine. Fondacija za socijalno uključivanje u Bosni i Hercegovini zvanično je registrovana 28.01.2010. godine u Ministarstvu Pravde BiH.

Izveštaj o realizovanim aktivnostima FSU u BiH

Svrha ovog izveštaja je da pruži više informacija o implementaciji i završetku programskih aktivnosti u okviru projekta *Program održivosti civilnog društva – CSSP* - u sektoru ljudska prava - marginalizovane grupe, podržan od USAID-a, za koje je FSU u BiH sprovodila, i najvažnijim predstojećim aktivnostima, o početku implementacije programskih aktivnosti u okviru projekata *“Build up for Social Inclusion Advocacy Platform in Bosnia and Herzegovina #BuildUp4SIAPinBiH”* i *„The Role of the Marginalised Groups in the Reconciliation Process in Bosnia and Herzegovina”*.

Protekli vremenski period (1. januar 2018. – 31. decembar 2018. godine) djelovanje FSU u BiH obilježile su aktivnosti vezane za FSU u BiH završetak četverogodišnjeg USAID projekta *Program održivosti civilnog društva – CSSP* u sektoru ljudska prava – marginalizovane grupe.. Pored aktivnosti vezanih za pomenuti projekat, FSU u BiH je radila na pripremi tendera za prijavu na javne pozive, kao i aktivnosti vezane za finalizaciju i početak implementacije dva projekta.

5.10.2018. FSU u BiH je potpisala ugovor sa Njemačkom ambasadam u Sarajevu za implementaciju projekta “Uloga marginalizovanih grupa u procesu pomirenja u Bosni i Hercegovini” na period od 8 mjeseci, od 1.10.2018. do 31.5.2019. godine.

30.10.2018. FSU u BiH je potpisala ugovor sa Evropskom Komisijom za implementaciju projekta „Izgradimo zagovaračku platformu za socijalnu uključenost u Bosni i Hercegovini - #BuildUp4SIAPinBiH” na period od 32 mjeseca, 1.11.2018.-30.6.2021. u okviru projekta Evropske komisije pod nazivom “Civil Society Facility and Media Action for Bosnia and Herzegovina 2016-2017”, za Lot 1 – Social Inclusion.

USAID pojekat „Program održivosti civilnog društva CSSP“, sektor ljudska prava marginalizovanih grupa, juli 2014. – juni 2018.

1. Osnovno o komponentama I, II i III u okviru projekta održivosti civilnog društva u BiH- CSSP

FSU u BiH je u aprilu 2014. godine, zajedno sa partnerom IBHI-em, odabrana za sektorskog partnera Programa CSSP za sektor ljudska prava – marginalizovane grupe.

U sektoru ljudska prava marginalizovanih grupa je ogroman obim zadataka koji proističu iz procesa pristupanja EU i aktivne uloge koju civilni sektor treba zauzeti u kontekstu pripreme i provedbe tih koraka, kao i nužnosti opšteg poboljšanja stanja u sektoru, u čemu su FSU u BiH i IBHI implementacijom ovog projekta preuzeli bitnu ulogu koordinatora. Cilj implementacije ovog projekta bio je da doprinesemo profilisanju uloge civilnog sektora kao partnera javnom sektoru u procesima razvoja i monitoringa implementacije javnih politika u sektoru ljudska prava marginalizovanih grupa.

Proces strateškog planiranja i analize rezultirao je usvajanjem dokumenata Strateški plan FSU u BiH 2015-2020 sa Strategijom održivosti i Komunikacijskom strategijom 2015-2020, odnosno, Strateški plan IBHI 2015-2020 sa Strategijom održivosti i Komunikacijskom strategijom 2015-2020. U okviru ovog projekta Program održivosti civilnog društva (CSSP) FSU u BiH je potpisala tri ugovora za tri komponente.

Komponenta 1. – Analiza problema u sektoru i formiranje koalicije sektorskih aktera

02. jula 2014 godine je potpisan ugovor o 1. grantu (u visini od 49.992,60 USD) na period od 48 mjeseci, od 01.07.2014. do 30.06.2018. godine.

Cilj prve komponente CSSP projekta bio je uspostaviti organizacionu i funkcionalnu infrastrukturu za združen, koordiniran i sinhronizovan rad najrelevantnijih aktera sektora ljudskih prava-marginalizovanih grupa na ostvarivanju održivih poboljšanja u sektoru. Očekivani rezultati su: 1. Urađena analiza problema sektora koja rezultira detaljnim pregledom trenutnog stanja u sektoru i listom prioriternih sektorskih problema i 2. Uspostavljena koalicija sektorskih aktera: neformalnog karaktera, ali sa razvijenim osnovnim dokumentima, članstvom, strukturom, organima, redovnim sastajanjem i glasilom. Saradnjom i združenim djelovanjem koalicija je osnažila poziciju civilnog sektora kao pregovarača i javnog aktera u sektoru.

Komponenta 2. - Kampanje zagovaranja za rješavanje prioriternih problema u sektoru ljudska prava – marginalizovane grupe

01. oktobra 2014. godine potpisan je ugovor o 2. grantu (u visini od 249.894,50 USD) na period od 45 mjeseci, od 01.10.2014. do 30.06.2018. godine.

Cilj projekta je bio da kroz realizaciju četiri kampanje zagovaranja učini vidljive pomake u rješavanju prioriteta problema u sektoru ljudska prava, konkretno u sljedećim oblastima javnih politika: 1.) minimum socijalne sigurnosti i jednake mogućnosti, 2.) vaninstitucionalna podrška marginalizovanim grupama, 3.) unapređenje socijalnog poduzetništva i 4.) izborna prava nacionalnih manjina. Kao direktan rezultat provedenih kampanja, četiri mjere/politike u sektoru ljudskih prava marginalizovanih grupa su uvrštene u agendu izvršnih ili zakonodavnih tijela a kampanje su doprinijele donošenju ovih akata i implementaciji u cilju rješavanja problema. Direktnim uticajem na promjene mjera i javnih politika i monitoringom provedbe su otklonjeni neki od uzročnika problema u sektoru.

Komponenta 3. - Realizacija Strategije održivosti organizacije

14. oktobra 2014. godine potpisan je ugovor o 3. grantu, dok je aneks na ugovor potpisan 30. decembra 2014. (u visini od 99.790,00 USD) na period od 42 mjeseca, od 01.01.2015. do 30.06.2018. godine.

Cilj projekta bio je ostvariti napredak u domenu organizacione, institucionalne i finansijske održivosti, odnosno u pozicioniranosti FSU u BiH / IBHI-ja u okruženju. Konkretno, rezultati ovog projekta (granta) uključuju: povećanje unutrašnjih kapaciteta osoblja u oblasti fundraising-a, PR-a i korištenja online alata, unaprijeđeno upravljanje ljudskim resursima i reputacija, formiranje Upravnog odbora (u slučaju IBHI-ja), komercijalizaciju usluga uz uspješnije privlačenje sredstava kroz veću medijsku prisutnost i svjesnost kod donatorske zajednice o uslugama i proizvodima organizacija i njihovo tržišno plasiranje, te jačanje IT kapaciteta i menadžmenta rezultata.

2. Izvještaj o realizovanim aktivnostima za period 1. januar 2018. – 30. juni 2018.

Implementiranim aktivnostima ostvaren je značajan napredak u realizaciji ciljeva zacrtanih u okviru sve tri komponente projekta.

Komponenta I:

20.2.2018. održan je medijski briefing na kojem se diskutovalo sa predstavnicima medija, vlasti i nevladinog sektora o značaju usvajanja Zakona o jedinstvenim načelima i okviru materijalne podrške osobama sa invaliditetom u FBiH, koji je planiran u Programu rada Vlade Federacije BiH za 2018. godinu. U organizaciji pomenutog medijskog briefing-a direktno su se angažovale i članice Koalicije KOMA kao aktivne učesnice u zagovaranju za usvajanje Zakona o jedinstvenim načelima i okviru materijalne podrške osobama sa invaliditetom u FBiH.

Jedan od značajnijih ostvarenih ciljeva u ovom izvještajnom periodu jeste da je zakon kojim se otklanja diskriminacija po osnovu uzroka invaliditeta - *Zakon o jedinstvenim načelima i okviru materijalne podrške osobama sa invaliditetom u FBiH* – bio planiran u Programu rada Vlade FBiH od I – IV kvartala 2018.



Medijski briefing, Sarajevo, 20.2.2018.

Ostvareni rezultati i uticaj

Koalicija marginalizovanih grupa u BiH „KOMA“ koja egzistira više od četiri godine, stekla je status prepoznatljive koalicije, prvenstveno zbog toga što je multisektorska koalicija i što okuplja veliki broj članica/članova. Trenutno sektorska mreža broji 103 članova/članice, a kompletna lista je dostupna na [linku http://koma.ba/clanice-koalicije-koma/](http://koma.ba/clanice-koalicije-koma/)

Komunikacija sa članicama je iz godine u godinu na sve višem nivou, i odvija se redovno putem e-maila, društvenih mreža, web stranice; a pored ovoga, od početka projekta do sada, distribuirano je šest elektronskih biltena Koalicije „KOMA“. S obzirom na aktivno učešće članica/članova i organa Koalicije „KOMA“-e u zagovaračkim kampanjama, Koalicija „KOMA“ je zadržala status značajnog aktera u području ljudskih prava marginalizovanih grupa. Također, izdvajamo i veliki interes medija za aktivnosti „KOMA“-e, što je u velikoj mjeri doprinijelo većem angažmanu članica/članova i ostvarenju postavljenih ciljeva.

„KOMA“ je, u skladu sa vanjskim okruženjem, otvorila proces promjene zakona, izrade novih strategija, itd. što je ugrađeno u zvaničnu politiku vlasti u BiH. Njihova realizacija (promjenom zakona), te implementacija, omogućava održive i dugotrajne rezultate u pogledu unapređenja ljudskih prava i socijalnog položaja marginalizovanih grupa.

Komponenta II:

FSU u BiH i IBHI, u kapacitetu Sekretarijata Koalicije „KOMA,“ nastavile su sa provođenjem aktivnosti u okviru kampanja javnog zagovaranja. Fokus je bio na kampanjama: „Uspostavljanje minimuma socijalne sigurnosti i jednake mogućnosti“; i „Donošenje novih politika i mjera u oblasti socijalnog poduzetništva“, u okviru kojih je održano 25 zagovaračkih sastanaka.

26.1.2018. Učestvujući na pozivu Direkcije za ekonomsko planiranje BIH, sugestijama na nacrt „Programa ekonomskih reformi 2018-2020“, FSU u BIH i IBHI su dali ozbiljne sugestije na dijelove dokumenta koji se odnosi na izračunavanje i ocjenu siromaštva u BIH. To je bilo važno zbog karaktera i pristupa našoj zagovaračkoj kampanji „Minimum socijalne sigurnosti i jednake mogućnosti“.

25.2.2018. Emitovana je emisija „Ja biram goste sa Žarkom Papićem“ na TV1 na temu značaja razvoja socijalnog poduzetništva u BiH. Učesnici emisije bili su: Majda Fetahagić, pomoćnica direktora Zavoda za planiranje KS, Omer Korjenić, rukovodilac Odsjeka za zapošljavanje (FZZZ), Mira Jović, izvršna direktorica Udruge poduzetnika i poslodavaca Žepče (UPIP) i Dušan Marković, direktor Preduzeća za zapošljavanje invalida PATRIOT, Bijeljina.

https://studio.youtube.com/video/C4H6KreXd-w/edit?utm_campaign=upgrade&utm_medium=redirect&utm_source=%2Fmy_videos

7.3.2018. U saradnji sa Federalnim ministarstvom rada i socijalne politike, FSU u BiH i IBHI organizovali su, u okviru kampanje javnog zagovaranja „Uspostavljanje minimuma socijalne sigurnosti i jednakih mogućnosti“, fokus grupu i medijski briefing na temu značaja usvajanja Zakona o osnovama socijalne zaštite FBiH. Fokus grupa uz prisustvo značajnog broja predstavnika medija (BHT1, FTV, TV Alfa, PinkBH, Radio Slobodna Evropa, BH radio 1, radio FBiH i FENA) je održana u hotelu Europa u Sarajevu.



Fokus grupa i Medijski briefing, Sarajevo, 7.3.2018.

29.3.2018. Žarko Papić, direktor IBHI-a, imao je konsultativni sastanak sa Miroslavom Jurešićem, pomoćnikom ministra FMRSR. Razgovarali su o toku priprema prednacrtu Zakona o osnovama socijalne zaštite FBiH, te o konceptu policy brief-a „Zakon o osnovama socijalne zaštite u FBiH - važnost njegovog usvajanja u 2018“. Postignuta je saglasnost o svim temama, a saradnja će se nastaviti.

30.3.2018. Pripremljen i objavljen policy brief – Zakon o osnovama socijalne zaštite u FBiH – važnost njegovog usvajanja 2018. godine.

8.4.2018. Emitovana je emisija „Ja biram goste sa Rankom Ninković-Papić“ na TV1 na temu „Ne margini“ u kojoj se diskutovalo o (ne)vidljivosti marginalizovanih grupa u BiH u javnosti i medijima.

https://studio.youtube.com/video/jrjFJnwTbCI/edit?utm_campaign=upgrade&utm_medium=redirect&utm_source=%2Fmy_videos

Ostvareni rezultati i uticaj

18.1.2018. Vlada FBiH usvojila je na 135. sjednici, održanoj u Sarajevu, Program rada Vlade FBiH za 2018. godinu u okviru kojeg je planirano sljedeće:

- **Zakon o osnovama socijalne zaštite FBiH** u IV kvartalu, u kome se sadrže osnove reforme socijalne zaštite (minimum socijalne sigurnosti, bolje ciljanje i radna aktivacija korisnika);
- **Zakon o jedinstvenim načelima i okviru materijalne podrške osobama sa invaliditetom u FBiH** od I – IV kvartala, kojim se otklanja diskriminacija po osnovu uzroka invaliditeta;
- **Strategija za zapošljavanje FBiH 2017-2020**, u kojoj su sadržana i strateška opredjeljenja razvoja socijalnog poduzetništva.

Time su ispunjeni ciljevi koji su postavljeni u posljednjem kvartalnom periodu 2017. godine u okviru FSU u BiH/IBHI/KOMA kampanja javnog zagovaranja („Uspostavljanje minimuma socijalne sigurnosti i jednake mogućnosti“ i „Donošenje novih politika i mjera u oblasti socijalnog poduzetništva“), u okviru kojih su se sprovodile zagovaračke aktivnosti za uvrštavanje pomenutih zakona i javnih politika u Program rada Vlade FBiH za 2018. godinu.

Komponenta III

U protekloj godini je napravljen napredak kada je u pitanju održivost FSU u BiH i IBHI, iako je opšta klima za razvoj i rad nevladinih organizacija u BiH i dalje nepovoljna, zbog ograničenih izvora finansiranja (iz stranih i domaćih izvora) i ograničenih mogućnosti finansiranja iz alternativnih izvora. FSU u BiH su u 2018. godini odobrena dva projektna prijedloga.

Ugovor sa Njemačkom ambasadam FSU u BiH je potpisala 5. oktobra 2018. godine u visini od 49.795 Eura na period od osam mjeseci, od 1.10.2018. do 31.5.2019. godine.

Ugovor sa Evropskom komisijom FSU u BiH je potpisala 30. oktobra 2018. u visini od 476.990 Eura na period od 32 mjeseca, od 1.11.2018. do 30.06.2021. godine.

Aktivnosti FSU u BiH:

11.1.2018. Ranka Ninković-Papić, direktorica FSU u BiH, i Zvezdana Filipović, finansijska menadžerica FSU u BiH, učestvovala su u konsultacijama civilnog društva koje je organizovala Delegacija EU u BiH. Na konsultacijama je prisustvovalo 17 učesnika i učesnica (9Ž/8M). Na molbu g. Ernsta Tonissona iz Delegacije EU u BiH, Ranka Ninković-Papić, direktorica FSU u BiH, je na sastanku ukratko prezentovala inicijativu CCI-a i ACED-a za formiranje Alijanse za EU integracije, kao i proces formiranja Radnih grupa za prikupljanje odgovora u vezi sa EU upitnikom u kojem je Alijansa uspjela spojiti civilni, privatni i javni sektor.



Konsultacije civilnog društva, Delegacija EU u BiH, Sarajevo, 11.1.2018.

19.1.2018. Na poziv USAID BiH, FSU u BiH i IBHI su se pojedinačno registrovale na online platformu Localworks.

8.2.2018. Na osnovu prijedloga g. Mirsada Salkića, predsjednika Udruženja oboljelih od šećerne bolesti – Bužim i odluke sa sjednice Upravnog odbora Udruženja oboljelih od šećerne bolesti – Bužim, aktivne članice Koalicije marginalizovanih grupa u BiH „KOMA“, Ranka Ninković-Papić, direktorica FSU u BiH, predložena je za nominaciju za dodjelu Priznanja za doprinos u ostvarivanju ravnopravnosti spolova u 2017. godini, koju dodjeljuje Komisija za ostvarivanje ravnopravnosti spolova Predstavničkog doma Parlamentarne skupštine BiH, u saradnji sa Agencijom za ravnopravnost spolova Ministarstva za ljudska prava i izbjeglice BiH, uz podršku Misije OSCE-a u BiH. Takođe, Ranka Ninković-Papić, direktorica FSU u BiH, je nominirana i za priznanje agencija Ujedinjenih nacija, koje su u februaru 2018. godine pozvale bh. javnost da, povodom Međunarodnog dana žena, nominira žene koje ih svojim radom inspirišu, a cilj kampanje jeste prikazati različite aspekte ženskog aktivizma, uključujući žene na selu, u sportu, sprečavanje rodno-zasnovanog nasilja, političko učešće žena, te njihovu ulogu u izgradnji mira i sigurnosti. Direktorica FSU u BiH je izabrana kao jedna od 10 aktivistkinja iz BiH koje se svojim radom zalažu za ostvarenje rodne ravnopravnosti. UN Women BiH su prepoznale da rad Ranke Ninković-Papić, direktorice FSU u BiH, doprinosi ostvarenju Cilja 1 održivog razvoja – Svijet bez siromaštva.

28.2.2018. Nakon što su predsjedavajući Predsjedništva BiH, Dragan Čović, i predsjedavajući Vijeća ministara BiH, Denis Zvizdić, na zvaničnoj ceremoniji u Sarajevu uručili predsjedniku Evropske komisije Jean-Claudeu Junckeru odgovore na Upitnik Evropske komisije za pripremu Mišljenja o zahtjevu BiH za članstvo u Evropskoj uniji, Direkcija za evropske integracije BiH je na svojoj zvaničnoj web stranici objavila odgovore BiH na Upitnik Evropske komisije, koji su dostupni klikom na [link](#). U odgovorima na Upitnik Evropske komisije sadržani su i odgovori organizacija civilnog društva, a FSU u BiH i IBHI su doprinijeli tome odgovaranjem na ukupno 20 pitanja (FSU u BiH na 11 za oblast „Politički kriteriji“, a IBHI na 9 za Poglavlje 19 „Socijalna politika i zapošljavanje“).

12.3.2018.-16.3.2018. Ranka Ninković-Papić, direktorica FSU u BiH, i Žarko Papić, direktor IBHI-a, boravili su, u okviru CSSP projektne aktivnosti komponente održivosti - regionalna saradnja, u Beogradu. Cilj posjete i niza sastanaka koje su imali bio je uspostavljanje mogućih partnerskih odnosa sa OCD iz Srbije, posebno u kontekstu međuregionalne saradnje.

9.3.2018. FSU u BiH je dobila obavijest da je odobren Concept Note pod nazivom „Izgradimo zagovaračku platformu za socijalnu uključenost u Bosni i Hercegovini - #BuildUp4SIAPinBiH“ koji je predat 2.11.2017. godine na poziv za projekte Evropske komisije pod nazivom “Civil Society Facility and Media Action for Bosnia and Herzegovina 2016-2017“, za Lot 1 – Socijalna inkluzija. Nakon obavijesti, FSU u BiH/IBHI projektni tim je započeo rad na detaljnoj razradi projektnog prijedloga.

31.7.2018. FSU u BiH je dobila obavijest od Evropske Komisije da je odobren prijedlog projekta „Izgradimo zagovaračku platformu za socijalnu uključenost u Bosni i Hercegovini - #BuildUp4SIAPinBiH“.

5.10.2018. je odobren projekat “Uloga marginalizovanih grupa u procesu pomirenja u Bosni i Hercegovini“ i potpisan ugovor između FSU u BiH i Njemačke ambasade

30.10.2018. FSU u BiH je potpisala ugovor sa Evropskom Komisijom za implementaciju projekta „Izgradimo zagovaračku platformu za socijalnu uključenost u Bosni i Hercegovini - #BuildUp4SIAPinBiH“.

11.12.2018. Održana je sedamnaesta redovna sjednica Upravnog odbora Fondacije za socijalno uključivanje u Bosni i Hercegovini (FSU u BiH).

3. Ostvareni rezultati i uticaj

Projekat I – Uspostavljanje i razvoj sektorskih mreža

S obzirom na to da je osnovana u novembru 2014. godine sa 44 inicijalnih članica, Koalicija marginalizovanih grupa u BiH – „KOMA“ stekla je status prepoznatljive i jedinstvene koalicije u BiH, prvenstveno zbog toga što je multisektorska koalicija (okuplja članice iz NVO sektora, predstavnike vlasti, biznisa, medija, itd.) i ima veliki i kontinuirano rastući broj članova (trenutno okuplja 104 članice). Koalicija „KOMA“ je dokazala da ima potencijal za održivost i dugovječnost.

Projekat II – Kampanje i monitoring

Provedene 4 kampanje javnog zagovaranja i monitoring u okviru sektora ljudska prava – marginalizovane grupe u toku protekle 4 godine su naišle na načelno pozitivan prijem kod donosioca odluka, što potvrđuje veliki broj predstavnika vlasti na događajima koje su FSU u

BiH/IBHI/KOMA organizovali. Kampanje javnog zagovaranja su, takođe, bile izuzetno zapažene kod javnosti kroz kontinuiranu medijsku praćenost FSU u BiH/IBHI/KOMA događaja i aktivnosti.

Umrežavanjem i međusobnim povezivanjem nevladine organizacije imaju veće mogućnosti da povećaju legitimnost i efektivnost svog angažovanja na polju javnih politika i steknu značajan uticaj u procesima zagovaranja. S tim u vezi, kontakti i povezanost koji su nastali putem Koalicije „KOMA“ mogu biti korisni kao podloga za širenje baze znanja o načinima provedbe kampanja javnog zagovaranja u oblasti ljudskih prava marginalizovanih grupa, te biti kvalitetan osnov za stvaranje novih resursa i pružanje uzajamne podrške u zagovaračkim naporima NVO-a.

Projekat III – Jačanje kapaciteta i održivosti

U protekloj godini je napravljen napredak kada je u pitanju održivost FSU u BiH i IBHI, iako je opšta klima za razvoj i rad nevladinih organizacija u BiH i dalje nepovoljna, zbog ograničenih izvora finansiranja (iz stranih i domaćih izvora) i ograničenih mogućnosti finansiranja iz alternativnih izvora.

TEKUĆI PROJEKTI

Projekat „Build up for Social Inclusion Advocacy Platform in Bosnia and Herzegovina - #BuildUp4SIAPinBiH“ / „Izgradimo zagovaračku platformu za socijalnu uključenost u Bosni i Hercegovini - #BuildUp4SIAPinBiH“, novembar 2018. – juni 2021.

Osnovne informacije o projektu

Fondacija za socijalno uključivanje u Bosni i Hercegovini (FSU u BiH) je potpisala ugovor sa Evropskom komisijom i sa UNICEF-om (u visini od 476.990,00 EUR) za implementaciju projekta pod nazivom „Build up for Social Inclusion Advocacy Platform in Bosnia and Herzegovina - #BuildUp4SIAPinBiH“ u partnerstvu sa Inicijativom za bolju i humaniju inkluziju (IBHI). Period trajanja projekta je 32 mjeseca, od 1.11.2018. do 30.6.2021. godine.

Opšti cilj projekta „Izgradimo zagovaračku platformu za socijalnu uključenost u Bosni i Hercegovini - #BuildUp4SIAPinBiH“ je razvoj i jačanje uloge, kapaciteta i vidljivosti nevladinih organizacija okupljenih kroz "Koaliciju marginalizovanih grupa u BiH - KOMA" s ciljem učešća

u stvaranju socijalnih javnih politika i zagovaranju za prava marginalizovanih grupa kao preduslova za pravednije i otvorenije društvo koje podržava proces evropskih integracija u BiH.

Projekat BuildUp4SIAPinBiH ima četiri glavne komponente/područja rada:

- 1) Istraživanje i analiza trenutnih potreba marginalizovanih grupa u BiH i izrada ključnih dokumenata
- 2) Izgradnja kapaciteta i jačanje međusektorske „Koalicije marginalizovanih grupa u BiH - KOMA“
- 3) Zagovaračke aktivnosti u polju socijalnog uključivanja
- 4) Komunikacijske aktivnosti i povećanje vidljivosti

Specifični ciljevi projekta

- Poboľjšati pristup pravima za marginalizovane grupe kroz iniciranje i izradu Strategija socijalnog uključivanja na entitetskim nivoima i na nivou Distrikta Brčko
- Povećati kapacitete, efikasnost i vidljivost međusektorske "Koalicije marginalizovanih grupa u BiH - KOMA" uz angažman zagovaranja u oblasti socijalnih javnih politika
- Podsticati umrežavanje, saradnju i komunikaciju među organizacijama civilnog društva i povezanim zainteresovanim akterima
- U svjetlu mogućeg kandidatskog statusa BiH na evropskom putu povećati znanje i značaj prednosti koje donosi proces pridruživanja EU u vezi sa zaštitom socijalnih prava građana BiH, a samim tim i jačati podršku procesu integracija BiH u EU

Ciljne grupe

Donosioci odluka (državni organi, članovi/članice parlamenata), političke partije, članovi Koalicije marginalizovanih grupa u BiH - KOMA, druge relevantne mreže NVO sektora kao što je mreža "Alijansa za integracije u EU", mediji, građani.

Krajnji korisnici

Organizacije civilnog društva koje se bave problematikom marginalizovane populacije, socijalno isključenim osobama i njihovim porodicama, pružaoci socijalnih usluga - organizacije/institucije koje se bave pružanjem usluga socijalno isključenim osobama.

Aktivnosti i očekivani rezultat:

- Izrada i objavljivanje dva dokumenta/analize socijalne politike u BiH
- Izrada i objavljivanje Studije vezano za razvoj strategija socijalnog uključivanja na nivou Entiteta i Brčko Distrikta
- Organizacija pet specijalnih treninga / radionica na teme: 1. Strateško planiranje i namicanje sredstava; 2. Razvoj projektnih prijedloga; 3. Korištenje IKT i društvenih mreža; 4. Kreiranje i sprovođenje kampanja javnog zagovaranja i povećanja svijesti

javnosti; i 5. Proces evropskih integracija u BiH sa fokusom na poglavlje 19 EU Acquis Communautaire i socijalnog uključivanja članova/članica „KOMA“

- Aktivnosti zagovaranja vezano za socijalno uključivanje s fokusom na 20-30 zagovaračkih sastanaka, tri okrugla stola i tri SWOT-PEST radionice
- Aktivnosti komunikacije i povećanje vidljivosti, kao i šira promocija projekta kroz medije
- Kreiranje i promocija pozorišne predstave sa fokusom na socijalno uključivanje marginalizovanih grupa
- Kreiranje i promocija videa i radio drame vezano za pozorišnu predstavu
- Razvoj, štampa i plasman komunikacijskog materijala i promocija sa snažnim naglaskom na projekat socijalne uključenosti koji podržava EU
- Organizacija finalne Konferencije – KOMA Konvencije

Projekat „Uloga marginalizovanih grupa u procesu pomirenja u Bosni i Hercegovini” / „The Role of the Marginalised Groups in the Reconciliation Process in Bosnia and Herzegovina”, oktobar 2018. – maj 2019.

Osnovne informacije o projektu

Fondacija za socijalno uključivanje u Bosni i Hercegovini (FSU u BiH) je 5. oktobra 2018. godine potpisala ugovor sa Ambasadom Savezne Republike Njemačke u BiH (u visini od 49.795,00 EUR) na period od 8 mjeseci, od 1.10.2018. do 31.5.2019., godine za implementaciju projekta pod nazivom “Uloga marginalizovanih grupa u procesu pomirenja u Bosni i Hercegovini”.

Cilj projekta je promovisati, zagovarati i direktno uticati na proces pomirenja u BiH s pristupom od nižeg ka višem nivou u okupljanju ranjivih i marginalizovanih pojedinaca i grupa (osobe s invaliditetom, djeca, starije osobe, žene, nacionalne / etničke manjine, LGBT populacija, itd.) kroz međusobnu podršku i zajedničke ciljeve bez obzira na njihovu etničku pripadnost.

Projekat “Uloga marginalizovanih grupa u procesu pomirenja u Bosni i Hercegovini ” ima sljedeće ciljeve:

Projektni cilj 1.

Povećati angažman građana koji pripadaju marginalizovanim grupama i poboljšati razumijevanje o bitnosti i vrijednosti njihove uloge u procesu pomirenja u BiH i to kroz

uspostavljanje mehanizama dijaloga za marginalizovane i ugrožene građane i grupe koje omogućavaju proces pomirenja u BiH kroz podsticanje međusobnog povjerenja, podrške i dijeljenja zajedničkih vrijednosti. Jedan od glavnih ciljeva projekta je priprema i potpisivanje Deklaracije „DOVRŠITE PROCES POMIRENJA - MI VEĆ JESMO!“ od strane nevladinih organizacija članica Koalicije marginalizovanih grupa u BiH (KOMA).

Projektni cilj 2.

Jačati kapacitete i povećati ulogu organizacija civilnog društva koje predstavljaju marginalizirane grupe u BiH u rješavanju šire diskriminacije, uključujući rodne i socijalne nejednakosti kao osnovne uzroke i sistemske nedostatke koji ne omogućavaju pomirenje u BiH. Ovaj projektni rezultat se planira ostvariti kroz jačanje organizacija civilnog društva koje predstavljaju marginalizovane grupe u BiH koje promovišu, adresiraju i zagovaraju građanske, participativne i inkluzivne napore pomirenja u BiH na osnovu njihove zajedničke borbe za zaštitu ljudskih prava i osnovnih sloboda koje im nedostaju.

Projektni cilj 3.

Podsticanje umrežavanja i saradnje između organizacija civilnog društva koje predstavljaju marginalizovane grupe u Bosni i Hercegovini iz oba entiteta i Distrikta Brčko, naizmjenično, kako bi se unaprijedili zajednički ciljevi i zagovaralo pomirenje u BiH.

Ovaj projektni cilj se planira ostvariti kroz stvaranje poboljšane percepcije različitosti i koegzistencije, kao i povećanu svijest o organizacijama civilnog društva koje predstavljaju marginalizirane grupe u BiH o važnosti njihove uloge u procesu pomirenja u BiH.

Očekivani rezultat

Projekat "*Uloga marginalizovanih grupa u procesu pomirenja u Bosni i Hercegovini*" je jedan komunikacijski pokušaj namijenjen stvaranju smislenog društvenog pokreta marginalizovanih i ranjivih grupa u radu na pomirenju u BiH. Vidljivost projektnih aktivnosti će biti postignuta kroz učinkovitu kampanju tokom cijelog projektnog razdoblja kroz korištenje raznovrsnih audiovizualnih i informativnih tehnika i alata, kao što su interesantne ljudske priče, video priče, TV tematski dijalog, zajedno s organizacijom niza radionica i Konvencijom Koalicije KOMA. Potpisivanjem Deklaracije „DOVRŠITE PROCES POMIRENJA - MI VEĆ JESMO!“ od strane nevladinih organizacija u BiH, ujedno će biti ostvaren i jedan od glavnih ciljeva projekta.

Aktivnosti društvenih medija, posebno na Facebook stranici FSU u BiH i YouTube kanalu će obuhvatiti promociju svih projektnih aktivnosti i događaja. Kampanja društvenih medija usmjerit će se na povećanje javne svijesti o ulozi marginalizovanih grupa u procesu pomirenja u BiH, i istovremeno nadahnuti širu publiku kako bi se unaprijedila njihova uvjerenja u suživot i izgradnju povjerenja. Svi postignuti rezultati – interesantne ljudske priče, video priča, TV materijal i fotografije / vizuali bit će objavljeni tokom trajanja projekta kako bi javnost stekla bolje razumijevanje ove problematike.

